

daß sie nicht bestolen werden der ersten Frucht / denn es dafür gehalten wird / daß sie in vielen Jahren hernach nicht tragen / vnd vnfruchtbar werden sollen / auch wol hernach gar nicht mehr tragen. Vnd wenn auch das Obst abgenommen / so sol es im alten Monden / im treugen schönen Wetter / vnd wenn der Thaw vnd Reiff gar weg ist / geschehen / so liget das Obst lenger / vnd faulet nicht.

Das 3. Capitel.

Von der Baum Salben
zu machen.

S Du nimm gelb Wachs / vnd schneide es zu kleinen stücklein / vnd thue es in einen Topff / vnd laß drey oder vier Stunden auffkochen im Wasser / vnd geuß ein mal oder drey ander Wasser daran / damit sich das Honigwasser draus siede / vnd nach deme so thue solches in einen reinen Tiegel / da nicht Zwiebeln vnd Knobelauch innen gewesen seynd / denn das ist den Bäumen sehr schädlich vnd zu wider / denn es ist jnen als ein Giffte / den sie verdors
ren